

# НОРМА МАСЛАХАТЧИ

## СОЛИҚЛАР БУХГАЛТЕРИЯ ҲУҚУҚ

2005 йил июлдан чиқа бошлаган

«СБХ» газетаси билан биргаликда тарқатилади.

### ЯНГИ ҲУЖЖАТЛАРНИ ТАҚДИМ ЭТАМИЗ

#### ЭЛЕКТР ҲИСОБЛАГИЧНИГИЗ ЯНГИЛАНАДИ

**Вазирлар Маҳкамасининг 2009 йил 5 июндаги «Электр энергияси истеъмолини ҳисобга олиш ва назорат қилиш тизимини такомиллаштиришга доир қўшимча чора-тадбирлар тўғрисида» 150-сон қарори («Норма маслахатчи»да чоп этилади)** билан «Ўзбекэнерго» ДАК корхоналарида Электр энергияси истеъмолини ҳисобга олиш ва назорат қилишнинг автоматлаштирилган тизимини жорий этиш ҳамда хўжалик юритувчи субъектларга ва маиший истеъмолчиларга электр энергиясини ҳисобга олишнинг замонавий электрон приборларини ўрнатиш жадваллари тасдиқланди. Маиший истеъмолчиларга Электр энергияси истеъмолини ҳисобга олиш ва назорат қилишнинг автоматлаштирилган тизимига уланадиган электр энергиясини ҳисобга олишнинг мавжуд приборларини алмаштириш ва замонавий электрон приборларини ўрнатиш «Ўзбекэнерго» ДАК корхоналарининг ўз маблағлари ҳисобига; хўжалик юритувчи субъектларга эса – уларнинг ўз маблағлари ҳисобига амалга оширилади. Электр энергияси истеъмолчиларга икки томонлама шартнома асосида етказиб берилади. 2009 йил 1 июлдан бошлаб барпо этилган қурилиш объектлари улар электр энергиясини ҳисобга олишнинг замонавий электрон приборлари ва аппарат комплекслари билан жиҳозланган тақдирдагина қабул қилиб олинади. 2012 йил 1 январдан бошлаб эса белгиланган талабларга мувофиқ бўлган электрон приборларни ўрнатмаган хўжалик юритувчи субъектларга электр энергияси етказиб берилмайди.

#### ҲУЖЖАТЛАР МУВОФИҚЛАШТИРИЛДИ

**Вазирлар Маҳкамасининг 2009 йил 5 июндаги 152-сон қарори билан ҳукуматнинг айрим қарорларига ўзгартириш ва қўшимчалар киритилди, шунингдек баъзилари ўз кучини йўқотди («Норма маслахатчи»да чоп этилади).** Хўжжатлар Президентининг 2009 йил 15 майдаги «Тадбиркорлик фаолиятини янада қўллаб-қувватлаш ва ривожлантириш чора-тадбирлари тўғрисида» ПҚ-1112-сон қарорига мувофиқлаштирилди. Хусусан, Вазирлар Маҳкамасининг 2003 йил 20 августдаги 357-сон қарори билан тасдиқланган Тадбиркорлик субъектларини давлат рўйхатидан ўтказиш, ҳисобга қўйиш ва рухсат берувчи ҳужжатларни расмийлаштириш тартиби тўғрисидаги низомда назарда тутилган турар жойларни нотурар жойлар тоифасига ўтказишга рухсат берувчи ҳужжатларни расмийлаштириш тартибининг амал қилиши 2009 йил 1 июндан бошлаб тадбиркорлик субъекти бўлмаган юридик ва жисмоний шахсларга ҳам татбиқ этилади.

**Вазирлар Маҳкамасининг 2009 йил 5 июндаги 153-сон қарори («Норма маслахатчи»да чоп этилади)** билан Вазирлар Маҳкамасининг 2009 йил 8 апрелдаги «Давлат мулкни ижарага бериш тартибини такомиллаштириш чора-тадбирлари тўғрисида» 102-сон қарорига мувофиқлаштириш мақсадида Вазирлар Маҳкамасининг 1999 йил 3 сентябрдаги «Бюджет ташкилотларини маблағ билан таъминлаш тартибини такомиллашти-

риш тўғрисида» 414-сон ва 2000 йил 23 октябрдаги «Шарқ» нашриёт-матбаа акциядорлик компанияси фаолиятини ташкил этиш масалалари тўғрисида» 411-сон қарорларига ўзгартишлар киритилди.

**Молия вазирлиги ва Давлат мулкни бошқариш давлат кўмитасининг қарори (АВ томонидан 2009 йил 10 июнда 869-2-сон билан рўйхатдан ўтказилган)** билан Бюджет ташкилотлари томонидан вақтинча фойдаланилмаётган давлат мулкни бошқа корхона ва ташкилотларга ижарага бериш тартиби тўғрисидаги низом ўз кучини йўқотган деб топилди.

**2009 йил 20 июндан кучга кирди.**

#### ЭКСПОРТЧИЛАР УЧУН ИМТИЁЗЛИ КРЕДИТЛАР

**Вазирлар Маҳкамасининг 2009 йил 8 июндаги «Айланма маблағларни тўлдириш учун тижорат банклари томонидан имтиёзли кредитлар ажратиш ҳисобига экспорт қилувчи корхоналарни қўллаб-қувватлашга доир қўшимча чора-тадбирлар тўғрисида» 156-сон қарори («Норма маслахатчи»да чоп этилади)** билан Экспорт қилувчи корхоналарнинг тижорат банкларининг ўз маблағлари ва жалб қилинган маблағлари ҳисобига айланма маблағларни тўлдириш учун имтиёзли кредитлар олиш юзасидан муножиратларини кўриб чиқиш тартиби тўғрисидаги вақтинчалик низом ҳамда уларни кўриб чиқиш бўйича кичик гуруҳ таркиби тасдиқланди. Қуйидагилар унинг асосий вазифалари ҳисобланади: тижорат банклари томонидан ўз маблағлари ва жалб қилинган маблағлари ҳисобига (Президент ҳужжатларига мувофиқ банкларнинг капиталлашувини ошириш учун ажратилган мақсадли маблағлар бундан мустасно) экспорт қилувчи корхоналарга айланма маблағларни тўлдириш учун имтиёзли кредитлар ажратиш бўйича фаолиятни мувофиқлаштириш; товарлар (ишлар, хизматлар)ни экспорт қилишга айланма маблағларни тўлдириш учун экспорт қилувчи корхоналарга тижорат банкларининг имтиёзли кредитларини олишда кўмаклашиш.

#### РУХСАТ БЕРИШ ҲАМ АРСОН, ҲАМ ТЕЗ

**Вазирлар Маҳкамасининг 2009 йил 10 июндаги «Тадбиркорлик фаолиятини амалга оширишда рухсатномалар олиш тартибларини такомиллаштириш ва соддалаштириш тўғрисида» 158-сон қарори билан ҳукуматнинг айрим қарорларига ўзгартириш ва қўшимчалар киритилди («Норма маслахатчи»да чоп этилади).** Чунончи, Махсулотларни сертификатлаштириш тартиби тўғрисидаги низомга (ВМнинг 2004 йил 6 июлдаги 318-сон қарори билан тасдиқланган) киритилган ўзгартишларга мувофиқ, Соғлиқни сақлаш вазирлиги томонидан тиббий фаолиятни амалга ошириш учун рухсатнома бериш учун қунидан ортиқ бўлмаган муддатда амалга оширилади. Лаборатория синовларини ўтказиш харажатларини қоплаш учун Соғлиқни сақлаш вазирлиги томонидан белгиланадиган ва Молия вазирлигида декларацияланган тарифлар бўйича, бироқ бир турдаги махсулот бўйича энг кам ойлик иш ҳақининг беш барава-

ридан (олдин – ўн бараваридан) ортиқ бўлмаган суммада тўлов ундирилади.

Ўз фаолиятини қишлоқ жойларда амалга ошираётган тадбиркорлик субъектлари томонидан ишлаб чиқарилаётган махсулотларни синовдан ўтказишда тўланадиган тўлов эса ЭКИХнинг уч бараваридан ортиқ бўлмаган суммада ундирилади. Давлат санитария назоратининг ҳудудий органлари томонидан бериладиган гигиеник сертификат олиш харажатлари ҳам икки баравар камайтирилди (ЭКИХнинг 10, баравари ўрнига беш барава-ригача). Четдан олиб келинаётган махсулотга гигиеник сертификат махсулотнинг ярқилик даврига, ярқилик муддатига эга бўлмаган махсулотга эса – муддати кўрсатилмасдан берилиши белгиланган.

Вазирлар Маҳкамасининг 2005 йил 27 январдаги «Электр ва иссиқлик энергиясидан фойдаланиш қоидаларини тасдиқлаш тўғрисида» 32-сон қарорига киритилган ўзгартишларга мувофиқ, кучлиниши 1000 вольт ва ундан юқори бўлган янги трансформаторларни, двигателларни улаш ёки қўшимча қувватини ошириш, шунингдек энергия таъминоти ташкилотининг тармоқ трансформаторларига паст кучлинишли қурилмаларни янгидан улаш ёки уларнинг рухсат берилган қувватини ошириш учун техник шартлар истеъмолчи-буюртмачидан (курувчидан) ёки унинг топшириги бўйича бош лойиҳалаш ташкилотидан буюртма олинганидан сўнг энергия таъминоти ташкилоти томонидан белгиланган тартибда бир ой муддатда берилади. Тадбиркорлик субъектларини иссиқлик тармоқ-ларига улаш учун техник шартлар эса тадбиркорлик субъектларининг ёхуд туман (шаҳар) архитектура ва қурилиш бошқармаси (бўлими)нинг буюртмасига кўра уч кундан ортиқ бўлмаган муддатда, дастлабки шартлар берилмасдан берилади.

#### БАНКРОТ КОРХОНАЛАР – «БИРЖА»ГА

**Вазирлар Маҳкамасининг 2009 йил 11 июндаги «Банкротлик тўғрисида»ги Ўзбекистон Республикаси Қонунида назарда тутилган маълумотларни эълон қилиш тартибига солиш чора-тадбирлари тўғрисида» 160-сон қарори («Норма маслахатчи»да чоп этилади)** билан белгиланишича, «Банкротлик тўғрисида»ги Қонунда назарда тутилган маълумотлар эълон қилинадиган расмий нашр бўлиб «Биржа» газетаси ҳисобланади. У Ўзбекистон бутун ҳудудида камида 5 000 нусхада тарқатилади ва банкротлик тўғрисидаги маълумотларнинг ҳар ҳафтада эълон қилинишини таъминлайди. Уларнинг матнлари давлат тилида эълон қилинади ва бошқа тилларга таржима қилиниши мумкин.

Газета маълумотларни улар манфаатдор шахслардан олингандан ва эълон қилинганлик ҳақи тўлиқ ҳажмда тўлангандан кейин ўн кун мобайнида эълон қилади; банкротлик тўғрисидаги маълумотлар газетанинг Интернет-

даги сайтыда қўшимча ҳақ ундирилмасдан жойлаштирилади. Банкротлик тўғрисидаги маълумотларни расмий нашрда эълон қилиш қиймати, шрифтнинг йириклиги камида 7 пункт ва интерлиньяжи камида 8 пункт бўлган тақдирда, қўшилган қиймат солиғини ҳисобга олган ҳолда бир квадрат сантиметр учун энг кам ойлик иш ҳақининг 1,0 фоизидан ошиши мумкин эмас.

#### БИТИРУВЧИЛАР ҚАМРАБ ОЛИНАДИ

**Вазирлар Маҳкамаси ҳузуридаги Давлат тест маркази, Халқ таълими вазирлиги, Олий ва ўрта махсус таълим вазирлиги, Ўрта махсус, касб-хунар таълими марказининг қарори (АВ томонидан 2009 йил 11 июнда 1964-сон билан рўйхатдан ўтказилган)** билан Умумий ўрта таълим мактабларининг 9-синф битирувчиларини академик лицей ва касб-хунар коллежларида ўқишга қамраб олиш тартиби тўғрисидаги низом тасдиқланди («Норма маслахатчи»да чоп этилади). Хужжат умумий ўрта таълим мактабларининг 9-синф битирувчиларини ўзлари ва ота-оналари (ёки уларнинг ўрнини босувчи шахслар) томонидан ихтиёрий равишда танланган таълим йўналиши (мутахассислик) бўйича академик лицей ва касб-хунар коллежларига қамраб олиш тартибини белгилайди.

**2009 йил 21 июндан кучга кирди.**

#### БЕХАТАР ИШЛАШ УЧУН

**Меҳнат ва аҳолини ижтимоий муҳофаза қилиш вазирининг буйруғи (АВ томонидан 2009 йил 11 июнда 1965-сон билан рўйхатдан ўтказилган)** билан Почта ва телекоммуникация ходимлари учун махсус кийим, махсус пойабзал ва бошқа яқка тартибда ҳимоялаш воситаларини bepул беришнинг намунавий меъёрлари тасдиқланди.

**2009 йил 21 июндан кучга кирди.**

**Меҳнат ва аҳолини ижтимоий муҳофаза қилиш вазирининг буйруғи (АВ томонидан 2009 йил 11 июнда 1966, 1967-сон билан рўйхатдан ўтказилган)** билан Иккиламчи хом ашё тайёрлаш омборхоналари, база ва пунктлари ходимлари учун меҳнатни муҳофаза қилиш ҳамда йиғма темирбетон ва бетон конструкциялар ва буюмлар ишлаб чиқариш ходимлари учун меҳнатни муҳофаза қилиш қоидалари тасдиқланди.

**2009 йил 21 июндан кучга кирди.**

#### БАНКЛАР УЧУН ҚЎШИМЧА ҲИСОВБАРАҚЛАР

**Марказий банк бошқарувининг қарори (АВ томонидан 2009 йил 11 июнда 773-27-сон билан рўйхатдан ўтказилган)** билан Ўзбекистон Республикаси тижорат банкларида бухгалтерия ҳисоби ҳисовбарақлар режасига қўшимчалар киритилди. Чунончи,

2-бетда

Ўзбекистон Республикаси Молия вазирлигининг 2009 йил 5 июндаги 221-ф-сонли буйруғига асосан «JASURBEK-AUDIT» аудиторлик хусусий корхонасига 2008 йил 18 июнда берилган 00665-сонли лицензиянинг амал қилиши 2009 йилнинг 5 июнидан тугатилди.  
**М.МИРЗАЕВ,**  
молия вазири ўринбосари.

УШБУ СОҢДА	1-бет	2-4-бетлар	5-6-бетлар	7-8-бетлар
	Қонун ҳужжатларига қисқа шарҳлар	Маслахатни юрист беради	Янги қонун ҳужжатлари	Реклама
	\$1 = 1477,48 сўм	€1 = 2070,28	£1 = 2421,74 сўм	¥10 = 150,27 сўм

**www.interpress.uz**   **INTER-PRESS**   **АХБОРОТ АГЕНТЛИГИ**   **ОБУНА-2009**   **ГАЗЕТАЛАР, ЖУРНАЛЛАР, КИТОБЛАР**

Bella Terra • Baby Terra • Jannat Makon • 7 дн • Burda • Cosmopolitan • Forbes • Домовой • Glamour • OOPS! • Автомир  
Аргументы и Факты • Verena • Вокруг света • Вокруг смеха • Все звезды • За рулем • Здоровье • Итоги  
• Караван Историй • Клаксон • Коммерсантъ • Крестьянка • Лиза • Огонек • Отдохни! • Совершенно секретно

ТЕЛ./ФАКС: (99897) **119-0000**  
**155-0955**  
Тошкент ш., Навоий кўч., 13







# ЎЗБЕКИСТОН ҚОНУНЧИЛИГИДАГИ ЯНГИЛИКЛАР

## ● ИДОРАВИЙ-МЕЪЕРИЙ ХУЖЖАТЛАР:

- ЎзР Монополиядан чиқариш, рақобат ва тадбиркорликни қўллаб-қувватлаш давлат қўмитасининг «Тугатилаётган корхонанинг мол-мулки ва мажбуриятларини инвентарлашни ташкил этиш ва қийматини аниқлаш бўйича йўриқномага ўзгартиришлар киритиш ҳақида»ги қарори;
- ЎзР молия вазирининг «Ўзбекистон Республикаси Бухгалтерия ҳисобининг миллий стандарти (21-сонли БХМС) «Хўжалик юритувчи субъектларнинг молиявий-хўжалик фаолияти бухгалтерия ҳисоби ҳисобварақлар режаси ва уни қўллаш бўйича йўриқнома»га ўзгартириш ва қўшимчалар киритиш тўғрисида»ги буйруғи.

ЎЗБЕКИСТОН РЕСПУБЛИКАСИ  
 МОНОПОЛИЯДАН ЧИҚАРИШ, РАҚОБАТ ВА ТАДБИРКОРЛИКНИ  
 ҚўЛЛАБ-ҚУВВАТЛАШ ДАВЛАТ ҚўМИТАСИНИНГ  
 ҚАРОРИ

**ТУГАТИЛАЁТГАН КОРХОНАНИНГ МОЛ-МУЛКИ ВА МАЖБУРИЯТЛАРИНИ  
 ИНВЕНТАРЛАШНИ ТАШКИЛ ЭТИШ ВА ҚИЙМАТИНИ АНИҚЛАШ БЎЙИЧА  
 ЙЎРИҚНОМАГА ЎЗГАРТИРИШЛАР КИРИТИШ ҲАҚИДА\***

Ўзбекистон Республикаси Адлия вазирлиги томонидан 2009 йил  
 18 майда рўйхатдан ўтказилди, рўйхат рақами 887-2.

(«Ўзбекистон Республикаси қонун ҳужжатлари тўплами», 2009 йил, 21-сон, 255-модда)

«Банкротлик тўғрисида»ги Ўзбекистон Республикасининг Қонунига (Ўзбекистон Республикаси Олий Мажлисининг ахборотномаси, 2003 й., 5-сон, 63-модда) ва Ўзбекистон Республикаси Президентининг 2005 йил 2 майдаги ПҚ-66-сонли қарори (Ўзбекистон Республикаси қонун ҳужжатлари тўплами, 2005 йил, 17-18-сон, 130-модда) билан тасдиқланган Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси тўғрисидаги низомга мувофиқ Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитаси қарор қилади:

1. Ўзбекистон Республикаси Макроиктисодиёт ва статистика вазирлиги қошидаги Иқтисодий ночор корхоналар ишлари қўмитаси томонидан 1999 йил 29 декабрда 17-сон

билан тасдиқланган «Тугатилаётган корхонанинг мол-мулки ва мажбуриятларини инвентарлашни ташкил этиш ва қийматини аниқлаш бўйича йўриқнома»га (2000 йил 3 февраль, рўйхат рақами 887 — Меъерий ҳужжатлар ахборотномаси, 2000 йил, 3-сон) иловага мувофиқ ўзгартиришлар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Монополиядан чиқариш, рақобат ва тадбиркорликни қўллаб-қувватлаш давлат қўмитаси раиси в.б. Б.УЛАШОВ.**

Тошкент ш.,  
 2009 йил 24 апрель  
 10-сон.

\*2009 йил 28 майдан кучга киради.

ЎзР Монополиядан чиқариш давлат қўмитасининг  
 2009 йил 24 апрелдаги 10-сон қарорига  
 ИЛОВА

**ТУГАТИЛАЁТГАН КОРХОНАНИНГ МОЛ-МУЛКИ ВА МАЖБУРИЯТЛАРИНИ ИНВЕНТАРЛАШНИ ТАШКИЛ  
 ЭТИШ ВА ҚИЙМАТИНИ АНИҚЛАШ БЎЙИЧА ЙЎРИҚНОМАГА КИРИТИЛАЁТГАН ЎЗГАРТИШЛАР\*\***

1. 1.1-банд куйидаги тахрирда баён этилсин:  
 «1.1. Мазкур Йўриқнома Ўзбекистон Республикасининг «Банкротлик тўғрисида»ги (Ўзбекистон Республикаси Олий Мажлисининг Ахборотномаси, 2003 йил, 5-сон, 63-модда), «Бухгалтерия ҳисоби тўғрисида»ги (Ўзбекистон Республикаси Олий Мажлисининг Ахборотномаси, 1996 йил, 9-сон, 142-модда) қонунлари ва Бухгалтерия ҳисобининг миллий стандартлари (БХМС)га мувофиқ ишлаб чиқилган бўлиб, тугатилаётган банкрот корхонанинг (кейинги ўринларда – тугатилаётган корхона) сотувга қўйиладиган мол-мулки ҳамда мажбуриятларини инвентарлашни ўтказиш ва уларнинг баланс қийматини аниқлаш тартибини белгилайди».

2. 1.5, 2.1, 2.2, 2.4, 2.5, 2.7, 2.8, 2.14 – 3.1, 3.6, 4.2 – 4.4 ва 5.4-бандлардаги «ишончли шахс» сўзлари тегишли келишиклардаги «тугатиш бошқарувчиси» сўзлари билан алмаштирилсин.

3. 1.6-банд куйидаги тахрирда баён этилсин:  
 «1.6. Тугатиш бошқарувчиси 1-иловага мувофиқ буйруққа асосан инвентарлаш комиссиясини тузади, унинг таркибига тугатилаётган корхонанинг бухгалтерлари, меҳнат жамоаси вакиллари, муассислари (иштирокчилари) ва кредиторлари киритилади. Мол-мулкида давлат мулки улуши бўлган корхоналарни тугатишда инвентарлаш комиссиясига молия органлари, банк муассасалари вакил-

\*\*Илова тахририят томонидан таржима қилинган. Маълумотнома тусига эга.

лари, шунингдек Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитасининг (кейинги ўринларда – Қўмита) вакиллари киритилиши мумкин. Тугатиш бошқарувчиси инвентарлаш ва мол-мулкнинг қийматини аниқлаштириш бўйича ишларни бажаришга инвентарлаш натижаларининг тўғрилиги ва ишончилиги учун жавобгар бўладиган ихтисослаштирилган (аудиторлик) ташкилотларни шартнома асо-

сида жалб этиши мумкин.

4. 1, 2, 5 ва 6-илловалардаги «ишончли шахс» сўзлари «тугатиш бошқарувчиси» сўзлари билан алмаштирилсин.

5. Мазкур ўзгартишлар Ўзбекистон Республикаси Молия вазирлиги билан келишилган.

**Молия вазири  
Р.АЗИМОВ.**

Тошкент ш.,  
2009 йил 24 апрель.

**ЎЗБЕКИСТОН RESPUBLIKASI MOЛIЯ BAZIPИНИНГ  
БУЙРУҒИ**

**ЎЗБЕКИСТОН RESPUBLIKASI БУХГАЛТЕРИЯ ҲИСОБИНИНГ МИЛЛИЙ СТАНДАРТИ  
(21-сонли БХМС) «Хўжалик юритувчи субъектларнинг молиявий-  
хўжалик фаолияти бухгалтерия ҳисоби ҳисобварақлар режаси ва уни  
қўллаш бўйича йўриқнома»ГА ЎЗГАРТИРИШ ВА ҚўШИМЧАЛАР КИРИТИШ  
Тўғрисида**

**Ўзбекистон Республикаси Адлия вазирлиги томонидан 2009 йил  
25 майда рўйхатдан ўтказилди, рўйхат рақами 1181-2.**

*(«Ўзбекистон Республикаси қонун ҳужжатлари тўплами», 2009 йил, 22-сон, 261-модда)*

«Бухгалтерия ҳисоби тўғрисида»ги Ўзбекистон Республикаси Қонунининг (Ўзбекистон Республикаси Олий Мажлиси ахборотномаси, 1996 йил, 9-сон, 142-модда) 5-моддасига асосан ва «Норматив-ҳуқуқий ҳужжатлар тўғрисида»ги Ўзбекистон Республикаси Қонунининг (Ўзбекистон Республикаси Олий Мажлиси ахборотномаси, 2001 йил, 1-2-сон, 8-модда) 23-моддаси ва Ўзбекистон Республикаси Вазирлар Маҳкамасининг 1992 йил 23 ноябрдаги 553-сонли қарори билан тасдиқланган Ўзбекистон Республикаси Молия вазирлиги тўғрисидаги низомга (Ўзбекистон Республикаси Ҳукумати қарорлари тўплами, 1992 йил, 12-сон, 37-модда) мувофиқ **бу юраман:**

1. Ўзбекистон Республикаси молия вазирининг 2002 йил 9 сентябрдаги 103-сонли буйруғи билан тасдиқланган Ўзбекистон Республикаси Бухгалтерия ҳисобининг миллий стандар-

ти (21-сонли БХМС) «Хўжалик юритувчи субъектларнинг молиявий-хўжалик фаолияти бухгалтерия ҳисоби ҳисобварақлар режаси ва уни қўллаш бўйича йўриқнома»га (2002 йил 23 октябрь, рўйхат рақами 1181 — Меъерий ҳужжатлар ахборотномаси, 2002 йил, 20-сон) иловага мувофиқ ўзгартириш ва қўшимчалар киритилсин.

2. Мазкур буйруқ Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

**Молия вазири  
Р.АЗИМОВ.**

Тошкент ш.,  
2009 йил 28 апрель  
46-сон.

*ЎзР Молия вазирининг 2009 йил 28 апрелдаги 46-сон буйруғига  
ИЛОВА*

**ЎЗБЕКИСТОН RESPUBLIKASI БУХГАЛТЕРИЯ ҲИСОБИНИНГ  
МИЛЛИЙ СТАНДАРТИ (21-сонли БХМС) «Хўжалик юритувчи субъектларнинг  
молиявий-хўжалик фаолияти бухгалтерия ҳисоби ҳисобварақлар режаси ва уни  
қўллаш бўйича йўриқнома»ГА КИРИТИЛАЁТГАН ЎЗГАРТИРИШ ВА ҚўШИМЧАЛАР\***

I. Бухгалтерия ҳисобининг миллий стандарти (21-сонли БХМС) «Хўжалик юритувчи субъектларнинг молиявий-хўжалик фаолияти бухгалтерия ҳисоби ҳисобварақлар режаси ва уни қўллаш бўйича йўриқнома»нинг 1-илловасида:

1) 0112-рақамли сўз сатридаги «узқ муддатли ижара\*» сўзлари «молиявий ижара» сўзлари билан алмаштирилсин;

2) 0212, 0299, 0300, 0310, 0860, 0920, 7910, 9550 ва 010-рақамли сўзлар сатрларидаги «узқ муддатли» сўзлари «молиявий» сўзи билан алмаштирилсин;

3) 0950, 3210, 6250 ва 7250-рақамли сўзлар сатрларидаги «даромад (фойда)» сўзлари «фойда» сўзи билан алмаштирилсин;

4) 9810-рақамли сўз сатридаги «даромад (фойда)» сўзлари «фойда» сўзи билан алмаштирилсин;

5) 3110-рақамли сўз сатри «Олдиндан тўланган» сўзларидан кейин «оператив» сўзи билан тўлдирилсин;

6) 4410 ва 9820-рақамли сўзлар сатрларидаги «йиғимлар» сўзи «бошқа мажбурий тўловлар» сўзлари билан алмаштирилсин;

7) 4810-рақамли сўз сатрининг матни қуйидаги таҳрирда баён этилсин:

«Молиявий ижара бўйича олинган тўловлар – жорий қисм»;

8) 4820, 6910, 9350 ва 001-рақамли сўзлар сатрларидаги «қисқа муддатли» сўзлари «оператив» сўзи билан алмаштирилсин;

9) 6240 ва 7240-рақамли сўзлар сатрлари «солиқлар ва» сўзларидан кейин «бошқа» сўзи билан тўлдирилсин;

10) 8510-рақамли сўз сатридаги «Мулкни» сўзи «Узқ муддатли активларни» сўзлари билан алмаштирилсин;

11) 8520-рақамли сўз сатри «капитали» сўзидан кейин «(фонди)» сўзи билан тўлдирилсин;

12) 9800-рақамли сўз сатридаги «йиғимларни» сўзи «бошқа мажбурий тўловларни» сўзлари билан алмаштирилсин;

13) ҳавола чиқариб ташлансин.

II. Бухгалтерия ҳисобининг миллий стандарти (21-сонли БХМС) «Хўжалик юритувчи субъектларнинг молиявий-хўжалик фаолияти бухгалтерия ҳисоби ҳисобварақлар режаси ва уни қўллаш бўйича йўриқнома»нинг 2-илловасида:

1) бутун матндаги:  
«узқ муддатли ижара» сўзлари «молиявий ижара» сўзлари билан алмаштирилсин;

«қисқа муддатли ижара» сўзлари «оператив ижара» сўзлари билан алмаштирилсин;

«даромад (фойда)» сўзлари «фойда» сўзи билан алмаштирилсин;

«солиқлар ва йиғимлар» сўзлари «солиқлар ва бошқа мажбурий тўловлар» сўзлари билан алмаштирилсин;

4810-сўзнинг номи қуйидаги таҳрирда баён этилсин:  
«Молиявий ижара бўйича олинган тўловлар – жорий қисм»;

8510-сўзнинг номидаги «Мулкни» сўзи «Узқ муддатли

\*Илова таҳририят томонидан ўзбек тилига ўгирилган. Маълумотнома тусига эга.

активларни» сўзлари билан алмаштирилсин;

2) 4-банд куйидаги тахрирда баён этилсин:

«4. Мол-мулкни асосий воситалар таркибига киритиш тартиби хўжалик юритувчи субъект томонидан Ўзбекистон Республикаси молия вазирининг 2003 йил 9 октябрдаги 114-сон буйруғи билан тасдиқланган Бухгалтерия ҳисобининг миллий стандарти (5-сон БҲМС) «Асосий воситалар» (2004 йил 20 январда 1299-сон билан билан рўйхатдан ўтказилган) («Ўзбекистон Республикаси қонун ҳужжатлари тўплами», 2004 йил, 3-сон, 35-модда)га мувофиқ ва ушбу мол-мулкни харид қилиш вақтида олинган паспорт ва тавсифлар, фойдаланиш бўйича йуриқнома ва бошқа техник ҳужжатлар асосида амалга оширилади»;

3) 5-банднинг «б» кичик бандидаги «солиқлар (йиғимлар)» сўзлари «солиқлар (бошқа мажбурий тўловлар)» сўзлари билан алмаштирилсин;

4) 23-банддаги жадвалнинг 3-сатридаги «Узоқ муддатли ижарага олинган асосий воситаларни узоқ муддатли ижара шартномаси тугагандан кейин» сўзлари «Молиявий ижара шартномаси бўйича олинган объектларни молиявий ижара шартномаси тугагандан кейин» сўзлари билан алмаштирилсин;

5) 25-банд куйидаги тахрирда баён этилсин:

«25. Асосий воситалар бўйича эскириш Ўзбекистон Республикаси Солиқ кодексида (Ўзбекистон Республикаси Олий Мажлиси палаталарининг Ахборотномаси, 2007 йил, 12-сонга 1-илова) ва (ёки) Ўзбекистон Республикаси молия вазирининг 2003 йил 9 октябрдаги 114-сон буйруғи билан тасдиқланган Бухгалтерия ҳисобининг миллий стандарти (5-сон БҲМС) «Асосий воситалар»да (2004 йил 20 январда 1299-сон билан билан рўйхатдан ўтказилган) («Ўзбекистон Республикаси қонун ҳужжатлари тўплами», 2004 йил, 3-сон, 35-модда) белгиланган меъёрлар ва усуллар бўйича ҳисоблаб ёзилади»;

6) 33-банддаги «Корхонада узоқ муддатли ижарага олинган» сўзлари «Корхона молиявий ижара шартномаси бўйича олган» сўзлари билан алмаштирилсин;

7) 35-банд куйидаги тахрирда баён этилсин:

«35. Ижара ҳисоби Ўзбекистон Республикаси молия вазирининг 2009 йил 6 апрелдаги 41-сон буйруғи билан тасдиқланган Бухгалтерия ҳисобининг миллий стандарти (6-сон БҲМС) «Молиявий ижара»га (2009 йил 24 апрелда 1946-сон билан рўйхатдан ўтказилган) («Ўзбекистон Республикаси қонун ҳужжатлари тўплами», 2004 йил, 17-сон, 220-модда) мувофиқ амалга оширилади»;

8) 37-банддаги «Узоқ муддатга ижарага олинган асосий воситалардан фойдаланганлик» сўзлари «молиявий ижара шартномаси бўйича олинган асосий воситалардан фойдаланганлик» сўзлари билан алмаштирилсин;

9) 42-банд куйидаги тахрирда баён этилсин:

«42. Объектларни номоддий активларга киритиш тартиби ва уларнинг таркиби қонунчилик асосида ҳамда Ўзбекистон Республикаси молия вазирининг 2005 йил 25 майдаги 35-сон буйруғи билан тасдиқланган Бухгалтерия ҳисобининг миллий стандарти (7-сон БҲМС) «Номоддий активлар» (2005 йил 27 июнда 1485-сон билан рўйхатдан ўтказилган) («Ўзбекистон Республикаси қонун ҳужжатлари тўплами», 2005 йил, 25-26-сон, 188-модда) асосида тартибга солинади»;

10) 45-банд куйидаги тахрирда баён этилсин:

«45. Гудвилл (фирма баҳоси)нинг бухгалтерия ҳисоби Ўзбекистон Республикаси молия вазирининг 2005 йил 25 майдаги 35-сон буйруғи билан тасдиқланган Бухгалтерия ҳисобининг миллий стандартига (7-сон БҲМС) «Номоддий активлар»га (2005 йил 27 июнда 1485-сон билан рўйхатдан ўтказилган) («Ўзбекистон Республикаси қонун ҳужжатлари тўплами», 2005 йил, 25-26-сон, 188-модда) мувофиқ амалга оширилади»;

11) 49-банд куйидаги тахрирда баён этилсин:

«49. Номоддий активлар амортизацияси Ўзбекистон Республикаси Солиқ кодекси (Ўзбекистон Республикаси Олий Мажлиси палаталарининг Ахборотномаси, 2007 йил, 12-сонга 1-илова) ва Ўзбекистон Республикаси молия вазирининг 2005 йил 25 майдаги 35-сон буйруғи билан тасдиқланган Бухгалтерия ҳисобининг миллий стандарти (7-сон БҲМС) «Номоддий активлар»да (2005 йил 27 июнда 1485-сон билан рўйхатдан ўтказилган) («Ўзбекистон Республикаси қонун ҳужжатлари тўплами», 2005 йил, 25-26-сон, 188-модда) назарда тутилган усулларга мувофиқ, корхона томонидан ҳисоблаб чиқилган меъёрлар бўйича ойма-ой тегишлилигига қараб таннархга ва давр харажатларига киритилади».

12) 81-банд биринчи хатбошисининг биринчи жумласи куйидаги тахрирда баён этилсин:

«0950-«Вақтинчалик фарқлар бўйича кечиктирилган фойда солиғи» счётида жорий ҳисобот даврида Ўзбекистон Республикаси Солиқ кодекси (Ўзбекистон Республикаси Олий Мажлиси палаталарининг Ахборотномаси, 2007 йил, 12-сонга 1-илова) 146-моддаси талабларини ҳисобга олган ҳолда тўланадиган солиқнинг узоқ муддатли қисми ҳисобга олинади»;

13) 88-банд куйидаги тахрирда баён этилсин:

«88. Активларни товар-моддий захираларга киритиш тартиби ва уларни ҳисобга олишнинг асосий қоидалари Ўзбекистон Республикаси молия вазирининг 2006 йил 15 июндаги 52-сон буйруғи билан тасдиқланган Бухгалтерия ҳисобининг миллий стандарти (4-сон БҲМС) «Товар-моддий захиралар» (2006 йил 17 июлда 1595-сон билан рўйхатдан ўтказилган) («Ўзбекистон Республикаси қонун ҳужжатлари тўплами», 2006 йил, 28-29-сон, 282-модда) билан тартибга солинади»;

14) 99-банд ўн тўртинчи хатбошисининг иккинчи жумласи куйидаги тахрирда баён этилсин:

«Уларнинг қиймати фойдаланишга берилган вақтда ишлаб чиқариш ёки давр харажатларига тўлиқ қўшилиши мумкин»;

15) 155-банднинг иккинчи хатбошиси ва 160-банднинг биринчи хатбошиси «Олдиндан тўланган» сўзларидан кейин «оператив» сўзи билан тўлдирилсин;

16) 156-банднинг «в» кичик бандидаги «ижара тўлови» сўзлари «оператив ижара тўлови» сўзлари билан алмаштирилсин;

17) 158-банддаги «Олдиндан тўланган ижара ҳақи» счётида «ушбу ҳисобот даврида тўланган, аммо келгуси ҳисобот даврига тегишли ижара ҳақи» сўзлари «Олдиндан тўланган оператив ижара ҳақи» счётида «ушбу ҳисобот даврида тўланган, аммо келгуси ҳисобот даврига тегишли оператив ижара ҳақи» сўзлари билан алмаштирилсин;

18) 348-банднинг тўртинчи ва бешинчи жумлалари куйидаги тахрирда баён этилсин:

«Хўжалик юритувчи субъект устав капиталини шакллантиришда Марказий банк курсларининг ўртасида таъсис ҳужжатлари рўйхатдан ўтказилган санада ва устав капиталига маблағлар ҳақиқатда киритилган санада вужудга келадиган ижобий курс фарқи бухгалтерия ҳисобида қўшилган капитал сифатида 8420-«Устав капиталини шакллантиришдаги курс фарқи» счётида акс эттирилади. Хўжалик юритувчи субъект устав капиталини шакллантиришда Марказий банк курсларининг ўртасида таъсис ҳужжатлари рўйхатдан ўтказилган санада ва устав капиталига маблағлар ҳақиқатда киритилган санада вужудга келадиган салбий курс фарқи 8420-«Устав капиталини шакллантиришдаги курс фарқи» счёти дебитида устав капиталини шакллантиришда олдин вужудга келган ижобий курс фарқи суммалари доирасида акс эттирилади. Устав капиталини шакллантиришда ижобий курс фарқи суммасидан ошган салбий курс фарқи суммаси 9620-«Валюталар курслари фарқидан зарарлар» счётининг дебитида киритилади»;

19) 350-банднинг:

биринчи хатбошиси «резерв капитали» сўзларидан кейин «(фонд)» сўзи билан тўлдирилсин;

учинчи хатбошиси «капитали» сўзидан кейин «(фонди)» сўзи билан тўлдирилсин;

20) 353-банд «капитали» сўзларидан кейин «(фонди)» сўзлари билан тўлдирилсин;

21) 355-банднинг:

жадвалидаги 4-сатри «капиталига» сўзидан кейин «(фондига)» сўзи билан тўлдирилсин;

жадвалнинг 5 ва 6-сатрлари «капитали» сўзидан кейин «(фонди)» сўзи билан тўлдирилсин;

22) 361-банднинг тўртинчи хатбошиси «капиталини» ва «капитали» сўзларидан кейин тегишинча «(фондини)» ва «(фонди)» сўзлари билан тўлдирилсин;

23) 362-банддаги жадвалнинг 3-сатри «капиталини» сўзидан кейин «(фондини)» сўзи билан тўлдирилсин;

24) 408-банднинг биринчи жумласи куйидаги тахрирда баён этилсин:

«9440-«Келгусида солиқ солинадиган базадан чиқариладиган ҳисобот даври харажатлари» счётида Солиқ кодексининг (Ўзбекистон Республикаси Олий Мажлиси палаталарининг Ахборотномаси, 2007 йил, 12-сонга 1-илова) 146-моддасига асосан келгусида солиқ солинадиган базадан чеги-

риладиган ҳисобот даври харажатлари акс эттирилади»;  
25) 429-банднинг биринчи хатбошисидаги «Даромад (фойда)» сўзлари «Фойда» сўзи билан алмаштирилсин;  
26) 430-банднинг биринчи хатбошисидаги «солиқлар, йиғимлар ва бюджетга бошқа ажратмалар» сўзлари «фойдадан солиқ ва бошқа мажбурий тўловлар» сўзлари билан алмаштирилсин;  
учинчи хатбошисидаги «солиқлар, йиғимлар, ажратмалар ва тўловларнинг» сўзлари «солиқлар ва бошқа мажбурий тўловларнинг» сўзлари билан алмаштирилсин;  
27) 434-банддаги «қисқа муддатли ижарага олинган асосий воситалар» сўзлари «оператив ижара шартномаси бўйича олинган асосий воситалар» сўзлари билан алмаштирилсин;  
28) 436-банддаги «қисқа муддатли ижарага олинган асо-

сий воситаларнинг» сўзлари «оператив ижара шартномаси бўйича олинган асосий воситаларнинг» сўзлари билан алмаштирилсин;  
29) 447-банд куйидаги тахрирда баён этилсин:  
«447. 012-«Келгуси даврларда солиқ солинадиган базадан чиқариладиган харажатлар» счётида мазкур ҳисобот давридаги солиқ солинадиган базага киритиладиган, бироқ кейинги ҳисобот даврларидаги солиқ солинадиган фойдадан чегириладиган харажатлар акс эттирилади.  
012-«Келгуси даврларда солиқ солинадиган базадан чиқариладиган харажатлар» балансдан ташқари счётидаги аналитик ҳисоб солиқ солинадиган базадан чегириладиган харажатлар, уларнинг миқдори ва улар чегириладиган муддат тўғрисидаги ахборотни таъминлаши шарт».

**ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ВАЗИРЛИКЛАР, ДАВЛАТ ҚЎМИТАЛАРИ  
ВА ИДОРАЛАРНИНГ НОРМАТИВ-ҲУҚУҚИЙ ҲУЖЖАТЛАРИНИ ДАВЛАТ  
РЎЙХАТИДАН ЎТКАЗИШ ҲОЛАТИ ТЎҒРИСИДА  
2009 ЙИЛ 25 АПРЕЛДАН 1 МАЙГАЧА БЎЛГАН МАЪЛУМОТНИ МАЪЛУМ ҚИЛАДИ**

**I. ДАВЛАТ РЎЙХАТИДАН ЎТКАЗИЛДИ:**

1. «Банкрот корхонани ёки унинг мол-мулкини бўлиб-бўлиб реализация қилиш тартибини ўз кучини йўқотган деб топиш ҳақида» *Ўзбекистон Республикаси Монополиядан чиқариш, рақобат ва тадбиркорликни қўллаб-қувватлаш давлат қўмитасининг 2009 йил 13 апрелдаги 9-сонли қарори.*

**2009 йил 25 апрелда рўйхатдан ўтказилди, рўйхат рақами 843-1 (2009 йил 5 майдан кучга киради).**

2. «Битим реестри тўғрисидаги низомни ўз кучини йўқотган деб топиш ҳақида» *Ўзбекистон Республикаси Давлат мулкини бошқариш давлат қўмитасининг 2009 йил 14 апрелдаги 01/23-18/07-сонли қарори.*

**2009 йил 25 апрелда рўйхатдан ўтказилди, рўйхат рақами 315-1 (2009 йил 5 майдан кучга киради).**

3. «Ўзбекистон Республикаси фуқаро авиациясида ҳаво кемаларидан фойдаланишни тартибга солиш чора-тадбирлари тўғрисида» *Ўзбекистон Республикаси парвозлар хавфсизлигини назорат қилиш давлат инспекцияси бошлиғининг 2009 йил 30 мартдаги 28-сонли буйруғи.*

**2009 йил 27 апрелда рўйхатдан ўтказилди, рўйхат рақами 1947 (2009 йил 7 майдан кучга киради).**

4. «Ўзбекистон Республикаси банкларида очиладиган банк ҳисобварақлари тўғрисидаги йўриқномани тасдиқлаш ҳақида» *Ўзбекистон Республикаси Марказий банки Бошқарувининг 2009 йил 16 мартдаги 7/2-сонли қарори.*

**2009 йил 27 апрелда рўйхатдан ўтказилди, рўйхат рақами 1948 (2009 йил 7 майдан кучга киради).**

5. «Тайёр тўқимачилик маҳсулотини экспорт қилувчи корхоналарга мулк солиғи бўйича имтиёзларни қўллаш тартиби тўғрисидаги низомни тасдиқлаш ҳақида» ги қарорни ўз кучи-

ни йўқотган деб топиш ҳақида» *Ўзбекистон Республикаси Молия вазирлиги, Давлат солиқ қўмитасининг 2009 йил 21 апрелдаги 45, 2009-18-сонли қарори.*

**2009 йил 28 апрелда рўйхатдан ўтказилди, рўйхат рақами 1576-1 (2009 йил 8 майдан кучга киради).**

6. «Тракторлар, ўзиюлар шассилар, трактор тиркамалари ва мелиоратив йўл-қурилиш машиналарини рўйхатдан ўтказиш, қайта рўйхатдан ўтказиш, давлат рақами белгиларини бериш ва уларни алмаштириш тартиби тўғрисидаги низомни тасдиқлаш ҳақида» *Ўзбекистон Республикаси қишлоқ ва сув хўжалиги вазирининг 2009 йил 30 мартдаги 53-сонли буйруғи.*

**2009 йил 28 апрелда рўйхатдан ўтказилди, рўйхат рақами 1949 (2009 йил 8 майдан кучга киради).**

7. «Айрим фанлар чуқур ўрганиладиган давлат умумтаълим муассасаларининг ихтисослаштирилган синфларига, давлат ихтисослаштирилган умумтаълим муассасаларига ўқувчилар қабул қилиш тартиби тўғрисидаги низомни тасдиқлаш ҳақида» *Ўзбекистон Республикаси Халқ таълими вазирилиги, Вазирлар Маҳкамаси ҳузуридаги Давлат тест марказининг 2009 йил 27 мартдаги 4/4, 01-11қ/қ-сонли қарори.*

**2009 йил 29 апрелда рўйхатдан ўтказилди, рўйхат рақами 1950 (2009 йил 9 майдан кучга киради).**

8. «Депозитар ҳисоб ва ҳисоботнинг ягона қодалари (стандартлари)га ўзгартириш ва қўшимчалар киритиш тўғрисида» *Ўзбекистон Республикаси Давлат мулки қўмитаси ҳузуридаги қимматли қоғозлар бозори фаолиятини мувофиқлаштириш ва назорат қилиш маркази бош директорининг 2009 йил 27 мартдаги 2009-24-сонли буйруғи.*

**2009 йил 30 апрелда рўйхатдан ўтказилди, рўйхат рақами 844-3 (2009 йил 10 майдан кучга киради).**

**II. ДАВЛАТ РЕЕСТРИДАН ЧИҚАРИЛДИ:**

1. Банкрот корхонани ёки унинг мол-мулкини бўлиб-бўлиб реализация қилиш тартиби. *Ўзбекистон Республикаси Макроиктисодий ва статистика вазирлиги ҳузуридаги Иқтисодий ночор корхоналар қўмитаси томонидан тасдиқланган (рўйхат рақами 843, 1999 йил 1 декабрь).*

**Адлия вазирининг 2009 йил 25 апрелдаги 104-мх-сонли буйруғи билан реестрдан чиқарилди.**

2. Битим реестри тўғрисидаги низом. *Ўзбекистон Республикаси Давлат мулкини бошқариш ва тадбиркорликни қўллаб-қувватлаш давлат қўмитаси томонидан тасдиқланган (рўйхат рақами 315, 1997 йил 12 март).*

**Адлия вазирининг 2009 йил 25 апрелдаги 105-мх-сонли буйруғи билан реестрдан чиқарилди.**

3. Ўзбекистон Республикаси банкларида очиладиган банк ҳисобварақлари тўғрисидаги йўриқнома ва 1, 2, 3, 4-сон

ўзгартиш ва қўшимчалар. *Ўзбекистон Республикаси Марказий банки Бошқаруви томонидан тасдиқланган (рўйхат рақами 1080, 2001 йил 10 ноябрь), (рўйхат рақами 1080-1, 2003 йил 29 сентябрь), (рўйхат рақами 1080-2, 2007 йил 8 январь), (рўйхат рақами 1080-3, 2007 йил 7 август), (рўйхат рақами 1080-4, 2008 йил 31 май).*

**Адлия вазирининг 2009 йил 27 апрелдаги 108-мх-сонли буйруғи билан реестрдан чиқарилди.**

4. Тайёр тўқимачилик маҳсулотини экспорт қилувчи корхоналарга мулк солиғи бўйича имтиёзларни қўллаш тартиби тўғрисидаги низом. *Ўзбекистон Республикаси Молия вазирлиги, Давлат солиқ қўмитаси томонидан тасдиқланган (рўйхат рақами 1576, 2006 йил 31 май).*


**Адлия вазирининг 2009 йил 28 апрелдаги 106-мх-сонли буйруғи билан реестрдан чиқарилди.**

**Мазкур ҳужжатлар қонунчиликка ўзгартиришлар киритилиши ва/ёки янги норматив-ҳуқуқий ҳужжат қабул қилиниши муносабати билан давлат реестридан чиқарилди.**

**Маълумотлар Ўзбекистон Республикаси Адлия вазирлигининг  
Идоравий-меъёрий ҳужжатларни давлат рўйхатидан ўтказиш бошқармаси  
томонидан тайёрланди.**

**Саволлар ва таклифлар учун телефонлар: 233-38-67, 232-00-28.**





# top

ЭНГ ЯХШИСINI ТОП!

«Норма маслаҳатчи» N 26 (207) 2009 йил 22 июнь



SANAY Co.Ltd

«SANAY» ҚК Хитой ва Италияда ишлаб чиқарилган юқори сифатли

## КАФЕЛЬ

сотади, ўлчами 60x60, 45x45, 40x40

Буюртма бўйича Хитойдан ҳар қандай ускунани етказиб берамиз

Товар сертификатланган  
Хизматлар лицензияланган

Тошкентдаги  
омбордан сотилади

Тўлов – исталган  
шаклда



Тошкент ш., Хамза тумани,  
Султонали Машҳадий кўч., 210  
(мўлжал – шампан винолари заводи).  
Тел.: 269-44-66, факс 269-44-33,  
Уяли +99893 375-56-58.  
E-mail: sanay\_uz@yahoo.com

### Chevrolet NIVA

Ҳақиқий внедорожникнинг янги тури



Буюртмага

H512


Расмий дилер «SANAR» ХК  
Манзил: Тошкент ш., М.Улуғбек шоҳқўч., 54А  
Тел.: (998 71) 140-00-61, 140-00-62, 110-41-43, 317-67-97

www.sanar.uz



### Panasonic

ideas for life



Идеал танловингиз!



PATROL  
SENSOR

ДЕЗОДОРАЦИЯЛОВЧИ  
ФИЛЬТР

АНИОНЛАР  
ГЕНЕРАТОРИ

ҲАВО ОҚИМИНИ  
БОШҚАРИШ

H99

Буюртмага



OSIYO KOMPUTEK, LLC

6B Yangi-Zamon st. Tashkent, 100105, Uzbekistan  
Phone: (998 71) 283 35 65/66/67/68 (ext-201), mob.(998 97) 157 23 86  
Fax: (99871) 283 3569

УЙДАН ЧИҚМАЙ ТУРИБ  
РЕСТОРАН ТАНЛАНГ

www.restoran.uz

«top. Товарлар  
ва хизматлар бизнес  
панорамаси»

рукни «Premier-press» реклама агентлиги  
томонидан тайёрланди.

Тел.: 237-51-33, 237-47-20, 237-47-05.

### ПУЛ ЎТКАЗУВЧИ ТАШКИЛОТЛАРГА ЧЕГИРМАЛАР!

#### АВИАКАССА

Тўлов ўзр мб курси бўйича.

Шунингдек оилалилар, пенсионерлар,  
талабалар учун! Илк бор учувчилар учун!  
40 ёшдан ошганлар, ҳарбийлар ва собиқ  
ҳарбий хизматчилар учун ЧЕГИРМАЛАР!!!

БИЗДА ЧИПТАЛАР БОШҚАЛАРНИКИДАН АРЗОН! ИШОНМАЙСИЗМИ?  
Қўнғироқ қилиб, бунга ишонч ҳосил қилинг!  
Узингиз ҳақли бўлган чегирмалар ҳақида билиб олинг!  
Т. 237-47-70, 267-68-68, 267-80-50.

ТОШКЕНТ, МУСТАҚИЛЛИК, 86А (СОБИҚ ПУШКИН) МЎЛЖАЛ «Х. ОЛИМЖОН» М. «КОРЗИНКА» СУПЕРМАРКЕТИ

«ЎЗБЕКИСТОН ҲАВО ЙЎЛЛАРИ» рейсларига У ЕРГА/У ЕРГА ВА ОРҚАГА (EUR га):

\* МОСКВА - 207 / 375 \* ЕКАТЕРИНБУРГ - 228 / 437 \* БИШКЕК - 129 / 234 \* САМАРА - 201 / 345  
\* С.-ПЕТЕРБУРГ - 239 / 460 \* НОВОСИБИРСК - 207 / 375 \* МИНВОДИ - 182 / 345 \* ҚОЗОН - 201 / 383  
\* СИМФЕРОПОЛЬ - 220 / 410 \* КРАСНОЯРСК - 196 / 374 \* АЛМАТИ - 131 / 239 \* БОКУ - 206 / 377  
\* РОСТОВ-ДОН - 199 / 380 \* КРАСНОДАР - 201 / 383 \* ЛИЦЕНЗИЯЛАНГАН

«АЭРОФЛОТ» рейсларига У ЕРГА/У ЕРГА ВА ОРҚАГА (EUR га):

\* ЕРЕВАН - 225 / 380 \* КАЛИНИНГРАД - 205 / 330 \* ВЛАДИВОСТОК - 410 / 650  
\* ИРКУТСК - 252 / 420 \* МУРМАНСК - 252 / 425

«ЎЗБЕКИСТОН ҲАВО ЙЎЛЛАРИ» рейсларига У ЕРГА / У ЕРГА ВА ОРҚАГА (EUR га):

\* ШАРЖА - 481, ВИЗА \* ФРАНКУРТ - 529 \* ЛОНДОН - 568  
\* КУАЛА-ЛУМПУР - 490 \* БАНКОК - 494 \* ПЕКИН - 518  
\* УРУМЧИ - 270, ВИЗА \* ИСТАНБУЛ - 448  
\* НЬЮ-ЙОРК 1 ОЙ 960, 3 ОЙ - 1027, 4 ОЙ - 1088,  
ПЕНСИОН. - 908, ОИЛАЛИ (2-12 ЁШЛИ БОЛА) - 620.  
«ЎЗБЕКИСТОН ҲАВО ЙЎЛЛАРИ» рейсларига У ЕРГА (EUR га):  
\* НЬЮ-ЙОРК -  
КАТТАЛАРГА - 653;  
2-12 ЁШЛИ БОЛАГА - 349;  
ЁШЛАРГА - 615.

«АЭРОФЛОТ» рейсларига У ЕРГА ВА ОРҚАГА (EUR га):

\* БЕРЛИН 323 \* БЕЛГРАД - 440 \* ПРАГА - 375 \* ДЮССЕЛЬДОРФ - 345 \* ДАМАШҚ - 570  
\* СОФИЯ 440 \* МЮНХЕН - 340 \* ҚОҲИРА - 475 \* АМСТЕРДАМ - 450 \* НЬЮ-ЙОРК  
\* МАДРИД 380 \* ВАРШАВА - 440 \* ОСЛО - 440 \* КАРЛОВИ ВАРИ - 440 (3 ОЙЛИК) - 775  
\* ЛОНДОН 410 \* АНТАЛИЯ - 430 \* ПАРИЖ - 400 \* БАРСЕЛОНА - 380

● Божхона декларацияларини тўлдириш!  
● Иккала томонга чипта сотиб олувчиларга махсус таклиф!

H1850

АКЦИЯ! ЧЕГИРМА!

«ЎЗБЕКИСТОН  
ҲАВО ЙЎЛЛАРИ»

ТОШКЕНТ-ИСТАНБУЛ-ТОШКЕНТ

-448 EUR

ТОШКЕНТ-МОСКВА

-207 EUR

Биз ҳақимизда яқинларингиз ва дўстларингиз билан ўртоқлашинг!

### КОРПУСЛИ МЕБЕЛЬ

ТАНЛОВИНГИЗГА КўРА...  
ШКАФЛАР, КУПЕ ШКАФЛАР,  
ГАРДЕРОБЛАР, ОШХОНАЛАР  
МЕБЕЛИ, ЁТОҚХОНАЛАР  
МЕБЕЛИ, ОФИС МЕБЕЛИ,  
МДФ ЭШИКЛАР



буюртмага тайёрлаш

Т.: 746-80-72  
127-80-72

Бўлғуси  
такдимот  
маросимлари,  
кўрғазмалар,  
матбуот  
анжуманлари  
ҳақидаги  
матбуот-  
релизларни,  
хабарнома-  
таклифномаларни  
«Норма  
маслаҳатчи»  
таҳририятининг  
реклама  
хизматига  
237-51-33  
телефон-факси  
орқали  
жўнатишингиз  
мумкин.

### «TOSOL-N» МЧЖ

АНТИФРИЗ ИШЛАБ ЧИҚАРАДИ

Ички ёниш двигателлари учун  
СОВУТУВЧИ СУЮКЛИК

СС МАРКАЛАРИ

\*TOSOL-A30, A40, A85, TOSOL-AM концентрат\* Ушбу маҳсулот  
этиленгликоль асосида тайёрланади, шунингдек ASTM Д 3306-79 антифризи  
(АКШ) аналогига ҳисобланади ва металлга энг кам коррозия таъсири  
кўрсатади. Товар миқдор хоҳишига қараб 5 кг, 20 кг лик  
идиш ва 200 литрлик бочкаларга қадокланади.

(Тўлов нақд пулсиз ҳисоб-китоб бўйича)

Манзилимиз: Тошкент ш., Исмоил ота кўч., 1

Тел.: 300-64-14, 140-03-81, 268-14-26, 127-92-42



### Das Auto

Ташкилот бутун модель қаторини сотади

Тўлов – исталган шаклда

Омборда мавжуд

Товар сертификатланган

(+99890) 317-67-97, 320-50-00, (+99871) 140-00-61

**Техник туз 1-2 навли****Титан диоксида****625 кг дан R-206, 25 кг дан R-203**т/ф: 281-35-61, 255-76-74, 254-94-95,  
e-mail: v klim\_70@mail.ru

Ташкилот нақд пулсиз ҳисоб-китоб бўйича куйидагиларни сотади

**ЛИФТЛАР 100 дан 5000 кг гача****ТИКИЛИ АРМАТУРА: ЗУЛФИНАР, ВЕНТИЛЛАР, ЗАТВОРЛАР, КЛАПАНЛАР**

- Дизель кўчма электростанцияси 60 кВт
- ВКР, ВО, ВЦ, "Самал" вентиляторлари
- Электр ва қўл насослари
- КТЦ саннат кондиционерлари
- Электроталлар, кран-балкалар
- Муз генератори
- "Россиянка" электр плиталари (4 конфоркали ва духовка)
- Зангламас қувурлар Ø57, эни 4 мм, Ø10, эни 2 мм
- Кир ювиш барабани, ФЯР, ФПУ ҳаво фильтрлари
- ҚИД, КВУ, ГРП-40 клапанлари
- Ўт ўчирувчилар қўлқоплари, колонкалар ва гидрантлар

E-mail: kaspi64@bk.ru, тел.: 273-95-90, 175-81-56 (уяли), тел./факс 273-83-86

**"Интеграл стар" ХК таклиф қилади****ЕҒОЧ-ТАХТА МАТЕРИАЛЛАРИ****ассортиментда**

Хизматлар лицензияланган

Товарлар сертификатланган

Тўлов - исталган шаклда

Тел. 104-84-10, 303-16-46 факс 274-66-77

**"ВЕНЕТЕК-ИМПРЕКС" МЧЖ**

H2309

**ПВХ дан ясалган пластик ДЕРАЗА ТОКЧАЛАРИ**3 хил рангли: оқ, олтин эман, махагон сотади  
эни 2 см, узунлиги 5,95 м

№	Кенглиги	1 п/м учун сўмда оқ ранглисининг нархи	1 п/м учун сўмда ранглисининг нархи
1	15 см	13 200	14 300
2	20 см	14 200	15 200
3	25 см	15 500	16 500

Дераза токчаси учун (3 хил рангли) тиқин нархи 1 500 сўм.

Т.: (998 71) 233-85-25, 236-21-97

**Polygal (Полигаль) H1761-3**

Исроилда ишлаб чиқарилган Тошкентдаги омбордан соябонлар, офис учун тўсиқлар, иссиқхоналар, мансардалар, бекатлар ва бошқа конструкцияларни тайёрлаш учун поликарбонат плиталар. Тайёр дизайнерлик счимлари.

Тел.: 298-24-34, 277-64-61, 431-24-88, 764-82-24

**Бўлғуси тақдимот маросимлари, кўрғазмалар, матбуот анжуманлари ҳақидаги матбуот-релизларни, хабарнома-таклифномаларни****«Норма маслаҳатчи» тахририятининг реклама хизматига 237-51-33 телефон-факси орқали жўнатишингиз мумкин.****"ЕВРОМЕТАЛ-ОСИЁ" ҚҚ****ҲАЛҚА**  
квадрат, поковка**конструкцион, иссиққа чидамли, зангламас****конструкцион шестигранник****ТУНУКА****иссиқ жўваланган, тарам-тарам, зангламас**

ст. У8Г - 0,9x326 мм рулонли тасма

**Техник туз 1-2 навли (Учқудук)**

т/ф: 281-35-61, 255-76-74, 254-94-95, e-mail: v klim\_70@mail.ru

**Товар сертификатланган****ANDINOL****ишлаб чиқарувчисидан мойлаш материаллари**

- Роликлар ёни ва ҳалқалар бортининг ишқаланувчи юзгалари едирилишининг олдини олади

- Механизмлар тебраниши ва сирпанишида ишқаланиш узелларида қўлланади

- Занглашдан ишончли химоя

Ўзбекистон, Тошкент ш., Қибрай кўч., 92  
тел./факс: (+99871) 150-11-77, 268-88-61. E-mail: tashkent@ak.uz**РҲЙХАТЛАР****Тошкент шаҳар ҳўжалик судининг 2009 йил 8 июндаги ҳал қилув қарорларига асосан Шайхонтохур туманидаги банкрот деб эътироф этилган ва тугатишга оид ишлар бошланган корхоналар РҲЙХАТИ**

Корхона номи	Қарор рақами	Тугатиш бошқарувчиси
«O'zbekim Sharbatlar Savdosi» SHK	10-0912/8230(19)	Д.Ишметов
«Kas Tare Business» MCHJ	10-0912/8234(19)	А.Қодиров
«Madina-Obid» XK	10-0912/8222(19)	Д.Ишметов
«Maftun Qurilish» MCHJ	10-0912/8223(19)	Д.Ишметов
«O'zsabirkoya» MCHJ	10-0912/8233(19)	А.Қодиров
«Aurora Savdo» MCHJ	10-0912/8232(19)	К.Исмоилов
«Jahon Fart» MCHJ	10-0912/8219(19)	А.Қодиров
«Golden Infiniti Line» MCHJ	10-0912/8224(19)	Д.Ишметов
«Avto Motors Kapital» MCHJ	10-0912/8227(19)	К.Исмоилов
«Vita Invest» MCHJ	10-0912/8225(19)	К.Исмоилов
«Toshkent Nur Qurilish Savdo» MCHJ	10-0912/8221(19)	А.Қодиров
«Master Baraka Plus» MCHJ	10-0912/8228(19)	Л.Юсупов

Мазкур корхоналар бўйича тугатиш бошқарувчилари этиб Шайхонтохур туман ДСИ ходимлари тайинланган. Корхоналарга тегишли бўлган муҳр ва бурчак штамплари бекор қилинди. Ушбу корхоналарга алоқадор шахс ва корхоналарнинг муружаатлари 2 ой давомида куйидаги манзилда қабул қилинади: Тошкент ш., Шайхонтохур тумани, 100011, А.Навоий кўчаси, 7а-уй, 307-хона.

**Тошкент шаҳар ҳўжалик судининг ҳал қилув қарорларига асосан Собир Раҳимов туманидаги соддалаштирилган тартибда банкрот деб топилган ва тугатиш жараёни бошланган корхоналар РҲЙХАТИ**

Корхона номи	Қарор рақами	Санаси
"Ibrohim Yog' Baraka" XK	10-0905/7774	10.06.09
"Miss Barno-Trade" XK	10-0913/8877	17.06.09
"Asqar-Quruvchi" MЧЖ	10-0913/8876	17.06.09
"Indafs-Savdo" MЧЖ	10-0913/8875	17.06.09
"Simona-Biznes" MЧЖ	10-0913/8878	17.06.09
"Gros Biznes Plus" MЧЖ	10-0913/8873	17.06.09
"Zamonaviy Ta'lim Sistemalari" MЧЖ	10-0913/8880	17.06.09

Мазкур корхоналар бўйича тугатиш бошқарувчиси этиб Собир Раҳимов туман ДСИ ходими С.Саидахмедов тайинланган. Корхоналарнинг думалоқ муҳр ва учбурчакли штамплари бекор қилинади. Ушбу корхонага алоқадор шахслар ва корхоналар 1 ой давомида ўз аризалари билан муружаатларини Тошкент ш., Қорасарой кўчаси, 269-уй, Собир Раҳимов туман ДСИ биносига билдиришлари мумкин.

Тошкент шаҳар ҳўжалик судининг 2009 йил 16 июндаги 10-0907/8831-сонли қарорига асосан Яққасарой туманидаги "Зиё нур хиллол" (юридик манзили: Қўшбеги, 14/171) банкрот деб эълон қилинган. Ишончли вакил этиб А.Жумаев тайинланган. Корхонанинг муҳр ва штамплари бекор қилинади. Даъволар эълон бошилган кундан бошлаб 1 ой давомида тугатиш комиссияси томонидан 250-70-87 телефони орқали қабул қилинади. Тугатиш комиссияси манзили: Тошкент ш., Фарҳод кўчаси, 6а-уй, Яққасарой туман ДСИ биноси, 3-қават, 307-хона.

**Иқтисодий-ҳуқуқий газета**  
**НОРМА МАСЛАҲАТЧИ**СОЛИҚЛАР  
БУХГАЛТЕРИЯ  
ҲУҚУҚ

ТАЪСИСЧИ "Norma Hamkor" МЧЖ

Газета Ўзбекистон Матбуот ва ахборот агентлигида рўйхатга олинди.  
Рўйхат рақами 0074.БОШ МУҲАРРИР  
ФАРҲОД ҚУРБОНБОВТАҲРИРИЯТ МАНЗИЛИ:  
Тошкент ш., Миробод тумани,  
Толимаржон кўч., 1/1  
E-mail: sbxahbor@mail.ruНашр учун масъул:  
Нодир Алимов

Муаллифлар фикри доим ҳам тахририят нуқтаи-назарига мос келармайди. Чоп этилган тавсиялар, тушунтиришлар, жумлалар, фактлар, статистик маълумотлар, реклама эълонларининг аниқлигига жавобгарлик материал муаллифи зиммасига юкланади.

Тахририят оғоҳлантирадики, газетамизда мавжуд ахборотдан фойдаланганлик, фойдаланмаганлик ёки мувофиқ равишда фойдаланмаганлик билан боғлиқ ҳар қандай ҳаракатлар ва/ёки оқибатлар учун тахририят жавобгар эмас. Тахририят муштарийлар билан ёшииб туриш имкониятига эга эмас.

"Норма маслаҳатчи" да эълон қилинган материалларни тўлиқ ёки қисман кўчириб босиш, электрон ва бошқа манбаларда кўпайтириш, тарқатишга фақат "Norma" МЧЖ билан тузилган шартнома асосида йўл қўйилади.

Газета тахририят томонидан тайёрланган диапозитивлар ёрдамида "TOPPRINT" МЧЖ

босмаҳонасида босилди (Тошкент ш., Миробод тумани, Толимаржон кўч., 1/1).

Буюртма 143 Адади 5992. Баҳоси келишилган нархда

Газета 2009 йил 19 июнда соат 19.30 да топширилади.

ISSN 2010-5223